



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU HRVATSKE REPUBLIKANSKE STRANKE

Broj: 03-07-6-288/20  
Sarajevo, 26.08.2021. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske republikanske stranke za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2019. godine, utvrđeno je da je Hrvatska republikanska stranka prekršila odredbe člana 4. stav (1), člana 11. stav (1) i člana 12. Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske republikanske stranke za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska republikanska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	300,00	0,68
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	43.380,00	99,27
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>43.680,00</b>	<b>99,95</b>
<b>II</b>	<b>Ostali prihodi i drugo</b>	<b>20,00</b>	<b>0,05</b>
	<b>Izvori finansiranja (I+II)</b>	<b>43.700,00</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 25.612,95 KM.

## 2. PREDSTAVLJANJE POLITIČKE STRANKE

Naziv političke stranke je Hrvatska republikanska stranka. Skraćeni naziv je HRS.

Hrvatska republikanska stranka je upisana u registar kod Općinskog suda u Mostaru, Rješenjem broj: R/4-14 od 16.05.2014. godine.

Sjedište stranke je u Mostaru, Nikole Šubića Zrinjskog 13.

Lice ovlašteno za predstavljanje i zastupanje stranke je Slaven Raguž, predsjednik.

Lice ovlašteno za finansijske izvještaje za 2019. godinu je Ana Andrić.

U godišnjem finansijskom izvještaju za 2019. godinu Hrvatska republikanska stranka je navela sljedeću organizacionu strukturu:

- Grad Mostar-sjedište stranke<sup>1</sup>.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Hrvatske republikanske stranke za 2019. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

<sup>1</sup> U finansijskom izvještaju na obrascu 1.1 (teritorijalna struktura političke stranke), Hrvatska republikanska stranka je kao organizacioni dio stranke navela Grad Mostar-sjedište stranke.

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Hrvatske republikanske stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju izvršila je pregled i kontrolu finansijskih izvještaja Hrvatske republikanske stranke u periodu od 2014. do 2018. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2018. godinu, izdat je Izvještaj o pregledu sa mišljenjem revizora, nalazima i preporukama stranci da uspostavi pravilne, potpune i tačne evidencije o svojim приходima, rashodima, obavezama i novčanim tokovima, da finansijske izvještaje popunjava i podnosi u skladu sa Zakonom o finansiranju političkih stranaka i podzakonskim aktima Centralne izborne komisije Bosne i Hercegovine, da poštuje računovodstvene propise i da u svoj finansijski izvještaj uključuje koristi od aktivnosti subjekata koji su na bilo koji način povezani sa političkom strankom ili su pod njenom kontrolom.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Hrvatska republikanska stranka nije ispoštovala date preporuke.

#### **5. NALAZI I PREPORUKE**

##### **5.1 NALAZI**

##### **a) Hrvatska republikanska stranka prekršila je odredbe člana 4. stav (1) Zakona o finansiranju političkih stranaka.**

Hrvatska republikanska stranka je u godišnjem finansijskom izvještaju za 2019. godinu iskazala režijsko-administrativne i ostale troškove, odnosno ukupne rashode u iznosu od 25.612,95 KM

Hrvatska republikanska stranka je Program utroška sredstva za 2019. godinu dostavila Centralnoj izbornoj komisiji Bosne i Hercegovine dana 17.02.2021. godine. Uvidom u navedeni akt utvrđeno je da je stranka planirala rashode u ukupnom iznosu od 3.070,00 KM, da program ne sadrži datum usvajanja, niti je potpisan od strane ovlaštenog lica, pa nije ni uzet u razmatranje.

Na osnovu navedenog, utvrđeno je da je Hrvatska republikanska stranka sredstva u iznosu od 25.612,95 KM utrošila bez programa utroška sredstava za 2019. godinu, čime je prekršila odredbe člana 4. stav (1) Zakona o finansiranju političkih stranaka.

##### **b) Hrvatska republikanska stranka prekršila je odredbe člana 11. stav (1) i člana 12. Zakona o finansiranju političkih stranaka.**

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Hrvatska republikanska stranka nije vodila potpune evidencije o rashodima i obavezama i nije popunila obrasce godišnjeg finansijskog izvještaja u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Politička stranka u obrascu 2 (pregled prometa svih transakcijskih računa političke stranke) nije prijavila transakcijski račun broj: 1995320011813581 otvoren kod Sparkasse bank d.d. BiH, čime je prekršila odredbe člana 11. Pravilnika.

Uvidom u Izvještaj Centralne banke Bosne i Hercegovine o računima pravnog lica utvrđeno je da je stranka imala transakcijski račun kod Sparkasse bank d.d. BiH broj: 1995320011813581, koji je ugašen 08.01.2019. godine.

Uvidom u izvod br. 3 sa transakcijskog računa stranke broj: 1995320059531082, utvrđeno je da su dana 08.01.2019. godine na ovaj račun uplaćena sredstva u iznosu od 9.998,00 KM sa transakcijskog računa broj: 1995320011813581, što potvrđuje da je stranka putem računa broj: 1995320011813581 u toku 2019. godine, tj. prije gašenja ostvarila i promet.

Stranka je imala obavezu da u obrascu 2 godišnjeg finansijskog izvještaja prijavi transakcijski račun broj: 1995320011813581 kod Sparkasse bank d.d. BiH, te iskaže promet ostvaren tokom 2019. godine.

- (2) Stranka je prilog fizičkog lica Ivana Džidića u iznosu od 20,00 KM iskazala u obrascu 3 (izvori finansiranja) kao ostale prihode, čime je prekršila odredbe člana 13. i 14 Pravilnika.
- (3) U obrascu 3-f (prihodi iz budžeta) godišnjeg finansijskog izvještaja stranka je prihode ostvarene iz budžeta Zapadnohercegovačkog kantona u iznosu od 16.200,00 KM iskazala kao prihode iz budžeta Grada Ljubuški, čime je prekršila odredbe člana 19. Pravilnika.

- (4) Stranka je u finansijskom izvještaju na obrascu 4.1 (režijsko-administrativni i ostali troškovi) iskazala troškove zakupa u iznosu od 2.800,00 KM, koliko je evidentirala i u poslovnim knjigama.

Uvidom u Ugovor sa fizičkim licem o najmu poslovnog prostora broj: 01-R-01/05 od 05.01.2015. godine, utvrđeno je da je stranka koristila poslovni prostor, površine 42 m<sup>2</sup>, uz mjesečnu zakupninu u iznosu od 200,00 KM, odnosno 2.400,00 KM godišnje. Pored navedenog prostora, stranka je na osnovu Aneksa ugovora o zakupu poslovnog prostora, koristila i podrumске prostorije, površine 15 m<sup>2</sup>, za koje je zakupnina iznosila 1.100,00 KM.

Na osnovu navedenog, utvrđeno je da je stranka troškove zakupa evidentirala u poslovnim knjigama i iskazala u godišnjem finansijskom izvještaju u manjem iznosu za 700,00 KM, čime je prekršila odredbe člana 21. i 22. Pravilnika. Stranka, takođe, nije iskazala ni obaveze prema zakupodavcu, čime je prekršila odredbe člana 24. Pravilnika.

- (5) Hrvatska republikanska stranka je u skladu sa odredbom člana 12. stav (2) Zakona o finansiranju političkih stranaka<sup>2</sup> imala obavezu da u godišnji finansijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja<sup>3</sup>.

## 5.2 PREPORUKE

***Preporučuje se Hrvatskoj republikanskoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da finansijska sredstva obezbijedena za finansiranje stranke koristi u skladu sa utvrđenim programom utroška sredstava,***

<sup>2</sup> Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

<sup>3</sup> Hrvatski narodni sabor Bosne i Hercegovine kao udruženje promovira političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

- *da uspostavi potpune evidencije o rashodima i obavezama stranke, odnosno da poslovne knjige vodi u skladu sa računovodstvenim propisima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da u svoj finansijski izvještaj uključi koristi od aktivnosti subjekata koji su na bilo koji način povezani sa političkom strankom ili su pod njenom kontrolom.*

**KOMENTAR:**

U ostavljenom roku, Hrvatska republikanska stranka nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić

Pomoćnik revizora

Anela Burdžović-Kapić